



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Constitutiones Et Decreta Apostolica**

**Coloniæ Agrippinæ, 1679**

Alexandri VII. Constitutio Ad Sacram, quâ confirmatur Innocentii X. Constitutio Cum occasione, ac denuò condemnantur, ut hæreticæ, Quinque Propositiones Corn. Jansenii, & quidem, ut excerptæ ex ...

**urn:nbn:de:hbz:466:1-42459**

Anno à Nativitate D. N. JESU CHRISTI millesimo sexcentesimo quinquagesimo quarto, Indictione septima, die vero vigesima septima Aprilis, Pontificatus Sanctiss. in Christo Patris, & D. N. D. Innocentii Divina providentia Papæ X. anno ejus decimo, prædictæ litteræ Apostolicæ, sive decretum affixum publicatum fuit ad valvas Basilicæ S. Ioannis Lateranensis, & Principis Apostolorum de Urbe & Canculariæ Apostolicæ, atque in acie Campi Floræ, ut misericordia est, per me Hieronymum Mascellam, ejusdem D. N. Papæ, & S. Romanæ Inquisitionis Curs.

S. D. N.

ALEXANDR  
DIVINA PROVIDENTIA  
PAPÆ VII.

*Confirmatio, Approbatio, Innovatio & Declaratio  
Constitutionis Innocentii X. de Quinque  
Propositionibus in materia Fidei.*

ALEXANDER Episcopus Servus Servorum Dei Universis Christi-fidelibus Salutem & Apostolicam Benedictionem. Ad sacram Beati Petri Sedem & Universalis Ecclesiæ regimen inscrutabili Di-

vinæ providentiaæ dispositione nullis nostris suffragantibus meritis evecti nihil Nobis antiquius ex munera nostri debito esse duximus, quām ut Sanctæ fidei nostræ ac sacrorum dogmatum integritati traditâ Nobis à Deo potestate opportunè consulueremus. Ac licet ea quæ Apostolicis Constitutionibus abundè fuerunt definita, novæ decisionis sive declarationis accessione nequaquam indigeant; quia tamen aliqui publicæ tranquillitatis perturbatores illa in dubium revocare, vel subdolis interpretationibus labefactare non verentur, ne morbus iste latius divagetur, promptum Apostolicæ Auctoritatis remedium censuimus non esse differendum. Emanavit siquidem alias à felicis recordationis Innocentio PP. X. Prædecessore nostro Constitutio, Declaratio & Definitione tenoris qui sequitur, videlicet:

Innocentius Episcopus Servus Servorum Dei Universis Christi-fidelibus Salutem & Apostolicam Benedictionem. Cum occasione Impressionis libri, cui Titulus, Augustinus Cornelii Jansenii Episcopi Irensensis (sequitur tenor Bullæ Innocentii X. quam suprà lector inventet.)

Cum autem, sicut accepimus, nonnulli iniquitatis filii prædictas Quinque Propositiones vel in libro prædicto ejusdem Cornelii Jansenii non reperiri, sed fictè & pro arbitrio

com-

compositas esse , vel non in sensu ab eodem  
 intento damnatas fuisse afferere magno cu-  
 Christi fidelium scandalio non reformident  
 Nos qui omnia , quæ hac in re gesta sunt  
 sufficienter & attentè perspeximus , ut po-  
 qui ejusdem Innocentii Prædecessoris iussu  
 dum adhuc in minoribus constituti Cardinali  
 munere fungeremur , omnibus illis congrega-  
 tibus interfuius , in quibus Apostolica Au-  
 thoritate eadem causa discussa est cā profecta  
 diligentia quā major desiderari non posset  
 quamcumque dubitationem super præmissa  
 imposterum auferre volentes , ut omnes Chri-  
 sti fideles in ejusdem fidei unitate sese conti-  
 neant , ex debito nostri Pastoralis Officii a  
 maturâ deliberatione præinsertam Innocenti  
 Prædecessoris nostri Constitutionem , Declara-  
 tionem & Definitionem harum serie Confir-  
 mamus , Approbamus , & Innovamus , &  
 Quinque illas propositiones ex libro præme-  
 morati Cornelii Jansenii Episcopi Irenensis  
 cui titulus est Augustinus , excerptas , ac in  
 sensu ab eodem Cornelio Jansenio intento  
 damnatas fuisse Definimus & Declaramus , &  
 uti tales , inustâ scilicet eādem singulis notâ ,  
 quæ in prædicta Declaratione & Definitione  
 unicuique illarum sigillatim inuritur , iterum  
 damnamus ac eundem librum sæpè dicti Cor-  
 nelii Jansenii , cui titulus Augustinus , om-  
 nes-

nesque alios tam manuscriptos , quam typis  
 editos & si quos forsan impostorum edi con-  
 tigerit , in quibus prædicta ejusdem Cornelii  
 Jansenii doctrina , ut suprà , damnata defen-  
 ditur vel adstruitur , aut defendetur & adstrue-  
 tur , damnamus itidem atque prohibemus.  
 Mandantes omnibus Christi-fidelibus ne præ-  
 dictam doctrinam teneant , prædicent , do-  
 ceant , verbo vel scripto exponant , vel inter-  
 pretentur publicè vel privatim , palam vel  
 occulte , imprimantve sub pœnis & censuris  
 contra Hæreticos in Jure expressis , ipso fa-  
 cto absque alia declaratione incurrendis. Præ-  
 cipimus igitur omnibus Venerabilibus Fratri-  
 bus nostris Patriarchis , Primatebus , Metro-  
 politanis , Archiepiscopis , Episcopis , cæte-  
 risque Locorum Ordinariis ac Hæreticæ pra-  
 vitatis Inquisitoribus ac Judicibus Ecclesiasti-  
 cis ad quos pertinet , ut præinsertam ejusdem  
 Innocentii Prædecessoris Constitutionem ,  
 Declarationem , ac Definitionem juxta præ-  
 sentem nostram determinationem ab omnibus  
 observari faciant , ac inobedientes & rebelles  
 prædictis pœnis aliisque juris & facti reme-  
 diis , invocato etiam si opus fuerit brachii sæ-  
 cularis auxilio , omnino coérceant. Datum  
 Romæ apud Sanctam Mariam Majorem , An-  
 no Incarnationis Dominicæ millesimo sexcen-  
 tesimo quinquagesimo sexto , decimo-septi-  
 mo

mo Kal. Novembris, Pontificatus nostri Anno secundo.

I. CARD. PRODAT.

G. GVALTERIV

P. CIAMPINIV

Loco  Plumbi,

*Visa de Curia P. CIAMPINUS. Registrata  
in Secretaria Brevium.*

A tergo verò. In nomine Domini Amen. Anno à Nativitate ejusdem Domini nostri Iesu-Christi Millesimo sexcentesimo quinquagesimo sexto, Indictione nona, Pontificatus autem Sanctissimi in Christo Patris & Domini nostri Domini Alexandri Divinâ Providentia Papæ Septimi, Anno ejus secundo, Dic vero septima Mensis Novembris retroscriptæ litteræ sub plumbo expeditæ affixæ fuerunt ad Valvas Basilicæ Principis Apostolorum de Urbe, Cancellariæ Apostolicæ, ac aliis locis solitis, & consuetis Urbis, per me Petrum Paulum de Grassis Apostolicum Cursorem.

*Pro Magistro Cursorum Jacobus  
Cornelius Cursor.*

S. D. N.